

3

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY

MAR 26 1947

T 3229/3336.83



永福縣志卷之八

人物

古稱人傑地靈實鍾清淑之氣蔚爲儒宗永之爲邑  
僻在山中溪流迴合縈帶巖嶽乃生賢哲競响鐘鏞  
名臣理學僊釋竒蹤文苑鄉行孝友可風閨媛砥節  
松栢三冬彰彰足表仰止安窮作人物志

理學

林學蒙字正卿一名羽從朱文公學築室龍門灘下  
講明道德性命之旨鄉人皆師事之後卒業黃幹之  
門幹爲作龍門記陳宓守延平時作道南書院聘學

哈佛大學漢和  
圖書館珍藏印

蒙爲學長諸弟子執經座下者百餘人後宓官滿學  
蒙引歸環居種梅自適有梅塢集傳于世祀鄉賢第  
學履字安卿與羽同學於朱文公之門著有已未問  
答其九世孫儀字正夫亦以道學自命著水陽清氣  
錄紀邑中故實核而詳云

明廖泰字侗人幼失怙恃事王父母至孝讀書必研  
求聖賢語言真實所在以體諸已見八股浮詞喟然  
曰所謂隔靴搔癢與吾人心身事業有何干涉遂絕  
意進取獨取周易小學性理諸書專心精究以求無  
忝所生初以主敬爲宗端步趨慎笑語非禮之聲色

不接於耳目久之確然有得分晰於理欲人禽之介  
操之甚嚴輯性理粹語立統分目令後學易解又畫  
敬天圖間爲詩歌寫懷後燬於火遂以聖脩無事煩  
言不復紀錄祖母奄歿喪必盡禮哀毀骨立祖又年  
老家貧拮据承歡笑值明季滄桑迹深山幅巾裹  
首深處房榻不復與塵事接嘗誨其子曰易經妙理  
大含細入湏理會透徹令其有得于心世雖亂吾心  
不可不治任世變紛紜愈當讀書書以正人心致大  
平之本也世道之亂實由吾輩不知讀真書求實與  
惟以虛文浮名釀成世變今日至此良可惶愧有志

者務求真實根本以存其心以合乎天不爲罔生幸  
免庶其可耳子全仁全禮能養志語在隱逸傳中

名臣

黃龜年字德邵邑麟峯人宋崇寧五年進士官河北  
西路提舉入爲太常博士呂頤浩見而竒之靖康中  
除吏部員外郎遷殿中侍御史時秦檜超拜右相舉  
朝猶未知其奸龜年獨首論劾檜專主和議沮止恢  
復植黨專權漸不可長上乃罷檜與祠並劾檜黨王  
暎等罷之先後章凡數上檜深憾之遷起居舍人兼  
給事中爲侍御史常同所攻罷歸紹興中檜再相司

諫詹大方希檜意又論龜年落職尋卒于家年六十  
三祀鄉賢龜年微時永福簿李朝旌竒之許妻以女  
及登第朝旌已死家貧甚或勸別娶龜年正色曰吾  
許以諾死而負之何以自立卒娶焉任子恩先官其  
第之子人皆義之子衡仕至湖南提舉

鄭僑字惠叔邑龜嶺人乾道五年舉進士第一簽書  
鎮南軍節度判官歲饑講求荒政轉淮浙常平官請  
米四萬石以繼常平之乏入爲太子侍講會高宗崩  
孝宗在德壽宮有欲表請還內者僑曰喪不離次禮  
也今雖不克如古詎可專以此請第以聽政爲詞則

善矣除給事中婉容陳氏少以墨詔遷官僑封還之  
又論指揮使郭埭交通殖貨之罪充金國賀正使會  
金主寢疾令使人就東上閣門進書僑曰東上閣門  
臣僚集表章之地某持皇帝書來乃以此投進耶自  
朝爭至日中聲色愈厲及暮乃傳命遣歸入見嘉獎  
寧宗卽位參知政事以老辭位寧宗手書牘尾曰忠  
誠重厚朕所倚毗累丐退閒殊拂眷意再上章以觀  
文殿大學士致仕卒生平端重孝友無他嗜好受知  
三朝見稱忠實祀鄉賢子寅字子敬以父任補官歷  
知吉州入對言濟邸寃狀指斥權臣端平初召爲左

司郎中兼樞密副都承旨又請爲濟邸立廟  
邊無備宿患未除宜正綱紀抑僥倖以張國  
執沃守正出知漳州卒寅靜重博洽藏書數萬卷  
德秀李燾陳宓皆與爲友魯孫杓亦有文學仕高安  
縣教諭

朱庭傑字世英崇寧五年進士建炎中爲北海令  
濰州倅金人將犯關官屬皆驚遁庭傑堅守不動城  
隅有水度兵至必飲之因投以野葛飲者皆中毒死  
俄而監軍達辣引兵入廷傑與知州韓浩俱力戰死  
後錄其功勅葬于郡之桑溪原官其一子祀鄉賢

盧榕字叔材初名郁宣和字第調安仁令紹興初  
 劇寇曹成擁衆自江北掠至榕乃躬率民兵轉戰而死  
 安仁不滿千數而寇至榕乃躬率民兵轉戰而死  
 高宗嘉其忠贈官教印官其子沂沂復與寇死  
 宗憫之又官其子鑄祀鄉賢

梁巖老字允濟初名汝霖收和申擢第靖康間金人  
 犯關巖老佐使守京城北壁有勞明年奉使  
 往金欲臣之幽之荒寺月給飲食食餘輒私晒  
 復留飲漬其所頂壁壞乃挾餘糧夜遁日伏  
 奔夜望星南行全郎而歸上嘉其節除直秘閣

名泉州

林宋偉字力叟在太學時袁公燮無罪而與羣小同  
 被孽言去國士論不平宋偉送詩有云韓非老子俱  
 同傳乞與時人子細看之句詩出名震輦下擢嘉定  
 進士累佐浙幕平金有功嘗督兵討沅溪蠻草捷檄  
 文氣甚壯為時論所稱當時削平徭洞二十一所破  
 賊寨一十一所降賊黨一千五百餘人移吉州倅進  
 守湖北運判廣東提刑自號橘園居士

陳表臣字正甫乾道中擢武舉知宜州經畧張玠誣  
 韋文仲等六十四人以寇邊欲置之死表臣白其非

幸出之爲政以循良稱

林泉生字清源元天歷進士授同知福寧州事有巨盜劫掠出海悉計擒之除泉州府經歷民負酒權久械繫有死者泉生悉縱遣去而令船商素釀不權者代償遷永嘉縣尹覈監守隱田爲民輸賦擢知福州俗喜殺孤幼誣人泉生立連逮法民不敢犯值紅巾亂立保伍置屯柵民有受賊官爵約爲內應者謀得其實誅之賊駭不敢過除翰林待制以母老辭會復置行省改理問時有鹽徒聚百上泉生謀繫逐之廉劾使郭興祖不聽未幾果大亂尋遷郎中撫定汀寇

改知漳州未行召入翰林直學士知制誥卒謚文敏自號覺是所著有春秋論斷竟是集行世祀鄉賢林惟賢洪武十六年以明經薦至京授池州府推官爲政嚴明廉斷人不敢干以私用刑平允考績者以狀聞明太祖皇帝嘉之勅賜御酒附名于大誥續編方員字懋規宣德八年進士以行人選御史歷廣東叅政官終廣東按察使員嚴于持已在廣又精法律多惠政民懷思之

董璣字汝器三都大樟人性嚴毅居家不苟然諾嘖笑每應接無大小衆寡執禮弗怠出歲貢知電白縣

廉以律已仁以愛人蒞政不煩民得安堵居處有常  
盛暑不去公服然梗介特立不能與時俯仰後以疾  
告休民不忍舍祀電白名宦

陳夔字惟一龍湘人宏治間由歲貢任龍江衛經歷  
以廉仁著會鄰境賊侵軼郡界勢甚猖獗監司遣夔  
率羸卒數百拒之卒皆股栗思潰賊聞夔將兵相與  
議曰陳經歷仁厚君子也戰必覆其衆吾不忍也乃  
釋圍而退監司聞之薦於朝得褒獎贈其父母夔解  
官歸家山賊意其當有厚橐劫質之以責贖時方篤  
寒而夔裹衣皆苧葛賊乃大笑釋之

張惟康洪武中由選舉任武強知縣爲政廉慈幹濟  
大得民心及代去民頌之不置

黃儒字三未天啓鄉薦崇貞間知營經縣以廉惠稱  
五載赴京舟遇暴客曰此黃營經母相犯也張獻忠  
攻城陷令儒屈膝懸其二妾于堂焚以嚇之儒不屈  
罵不絕口遂被磔妾林氏李氏皆死于焚

林宏祖號無念崇貞癸酉舉人知鬱林州山賊謝正  
奇倡亂祖召兵勦賊搗其窠賊解散民立祠祀之著  
有味其草詩集

鄢廷誨字蓋獻崇貞乙卯歲貢廷對稱旨賜同進士



授登封知縣下車甫三月李自成統衆猝至廷誨告  
邑民曰登封邑小援絕安能禦方張之寇吾義當守  
死爾百姓可各逃去毋被屠戮爲也及流賊至以中  
嶽廟在城自成曾許愿脩造因委萬金囑廷誨代脩  
而去邑民間寇退皆還時饑饉尤甚廷誨以萬金買  
米賑卹賊聞之怒將亟攻屠廷誨度不保乃策馬馳  
入賊壘大呼曰守城者令也民何與焉對賊伏劍而  
死賊驚羅拜戒勿殘登民百姓哀之爲之殮葬歲時  
祀于墓下

林塗字子野崇貞癸未進士善草書爲人侃侃負義  
節閩縣董應舉漳浦黃心周雲間夏允彝皆重之恒  
與握手慷慨談時事爲之嗟嘆而去初授海寧令計  
擒邑妖人李三能等民德之建祠祀焉後值鼎革全  
節而死者有居易堂詩集行世原籍福清人子孫遷  
居永福今祀永福忠義祠

儒林

宋蕭國樑字挺之邑之獅峯人乾道二年擢進士第  
一歷著作太子侍講兼禮部郎官終朝奉郎廣東運  
判初國樑登第時第一人本趙汝愚故事設科以待  
草茅凡豫屬籍挂仕版者法當遜避唱名之日陞國

元前集  
卷之八  
九  
樑爲榜首故對御詩名傳玉陛星辰曉澤沛金芝雨露春之句其謝啓有云豫龍飛之選淮安序次已當先無汗馬之勞擲侯何功而居上至今膾炙人口有集行世祀鄉賢祠

黃定字泰之龜年再從子也乾道壬辰對策謂以大  
有爲之時爲改過之日月又云雖有無我之量而累  
於自喜雖有知人之明而累於自是何不因羣情之  
所共違而察一己之所獨嚮言甚切直上親擢爲第  
一累官知潮州爲政務剋弊蕪瘵撥官田以贍士潮  
民德之官終於國子祭酒直顯謨閣廣東提舉有集

行世子自求亦以嘉靖間知潮州撥方宜等田於學  
以養士父子並稱賢守祀名宦焉亦祀鄉賢祠

張淵字叔潛隆興元年第乾淳間有儒學名人稱爲  
張夫子壽皇愛其才擢就館閣歷知數郡清廉自守  
多惠政於民

張勗字臻道父肩孟皇祐五年進士勗兄弟五人皆  
相繼登第知名當世所居有半月洲一日座客欲咏  
之未就勗六歲時卽誦唐人詩誰把玉環分兩片半  
沉滄海半浮空之句客盡驚嘆又嘗爲聚蚊賦以譏  
姦黨以是不容於季世官至朝散郎

吳元美字重寶宣和甲進士紹興間歷太常寺簿出  
爲福建按察司主管機文字常作夏二子傳夏二子  
蓋蚊蠅也其鄉人進士鄭瑋得之白於秦檜訖元美  
譏毀大臣檜下有司論免高宗特宥之除名容州編  
管再謫南雄以死後二年楊椿洪遵等爲言於朝特  
命官其子

黃邦俊政和進士累遷大理丞後知莫州著真陽共  
印集二卷胥訓告文三卷纂韻譜六卷強記集八卷  
明王偁字孟敷潮州總管瀚之子瀚死偁方七歲母  
獨守節初吳海與瀚爲苦寒逆之交憫偁孤撫而教之

偁弱冠與董江陳從範遊學愈進洪武庚午領鄉薦  
爲國子監上表乞終養南歸所交遊皆一時名士母  
沒居喪毀瘠廬墓六年永樂初以薦至京授翰林檢  
討進講經筵脩大典萃內外儒臣偁爲總裁官張英  
公輔征交趾辟偁以從多所贊畫歸仍舊官以事忤  
旨與解縉同下獄卒預知終之期先自爲誄偁氣節  
高勁議論英發少銳志於有爲文章雄偉詩有唐人  
風書法亦妙絕一時解縉稱其人品當在蘇長公之  
列文亦相類至於詩則凌鑠漢唐非蘇所及也號密  
齋有虛舟集傳於世子振亦能詩以祖父母死于非

命累辟不起祀鄉賢祠

張境字孟輝幼而警敏弱冠領鄉薦授南安府學訓導郡守聘於白鹿洞講易一郡之士皆師之登成化戊戌進士除歸安縣知縣剗宿弊抑豪強發奸摘伏政聲爲兩浙最以內艱歸家廬墓而卒

林鳳儀字九成埔垵人後徙居懷安鳳儀少有逸才而不斤斤繩墨爲諸生時喜擊劍工歌詩衆疾其狂率嘉靖壬子鄉試授瀧水令其治民不事文法務在簡易蕩宕必行其意而後已與人交洞見肺腑其謀人之急甚於自急有勢出其上必盛氣狎侮之無所

不撓卒爲法吏中罷歸家四壁立無旦夕之儲授徒自給意蕭然也鳳儀詩奇詭放曠不作經人道語名籍公鄉間有藏集二十餘卷

林璣字叔溫文詞精敏天順壬午舉人以母老授電白縣教諭勤于課督爲士類所宗母喪服闋授臨安教諭念久歷儒官弗逮祿養作永思堂詩以寄哀傷卒年五十七

鄔茂才字名山由選貢官興國州通判博學能文書法宗鍾繇詩有盛唐遺風著有燕遊草海內紀遊草東甌草詩評集句墨抄藏于家

張啓睿字有思由貢生官沅州通判著有適適軒修  
邑志族譜子世樑萬歷乙卯舉人吉安通判

張啓通字有濟十歲能文由貢生知盱眙縣有善政  
著有青翰集

黃文煥字維章號坤五天啓乙丑進士文章淹博知  
番禺海陽山陽三縣皆有政聲崇貞召試擢翰林院  
編脩時黃道周下詔獄株連及煥事雪僑寓金陵著  
有四書詩經鄉媛陶詩杜詩註楚詞聽直頰留集老  
莊註秦漢文評館閣文集行于世

國朝柯宜椿字任章號梅巖康熙丁卯舉人揀選知

縣自念起家儒業弗以案牘紛遂改掌教任建寧  
教諭訓迪栽培士風丕振年七十餘告歸紳士歌  
詩誌別訂其集曰弋山崇雅雍正癸卯

特詔舉賢良方正府檄強起謁 兩院優禮燕見獎  
賚有加旌匾曰壽愷作人邑侯來旌匾曰受天百  
祿乃以年躋耄耄無心仕進復膺

恩典加授奉直大夫優游泉石間以詩酒自娛非公  
不至爲邑宰所傾心至邑有利害則直言無隱前  
後二十餘年五代相見壽至九十四子璉璿邑廩  
生能先意承志得父母歡心

黃任字莘田康熙壬午舉人知四會縣有廉聲解組  
後囊無長物得端硯十以歸摩挲不釋自號十硯  
居士杜門却掃詩酒自娛著作甚富

孝友

宋黃公槐字仲美龜年從子也乾道二年進士事母  
至孝未第時客遊于外賦思親北堂詩論者謂其  
有南陔白華遺韻未仕而卒

明林榴春字見心邑書生家貧事母至孝教授童子  
有甘旨供者懷之以飼其母

柯懋德字育吾由監生任富峪衛經歷以父老第宅  
而歸撫其侄家業與子平分凡橋梁道路損壞者  
捐資建之

林大畜泖口人與兄大有少相友愛嘉靖壬子大畜  
舉於鄉已未大有亦當貢適倭陷城死之大畜痛  
兄殉難子幼益愛憐之逾於其息知任縣執法廉  
明民懷其德及解任宦橐蕭然以先人田廬與兄  
子均分布袍葛巾不入城市至邑有利弊則見邑  
大夫陳之不少遜云

顧潮萬歷間歲貢生官玉山訓導性孝友親病藥必  
親嘗衣不解帶者浹旬又以已田業代輸弟之逋

負官玉山時卹貧却贊嘉惠多士卒之日無以爲  
殮士無遠邇羣奔喪助之

林森然字宗盛十二都人弋陽藩府教授塾之孫森  
然幼失怙事母惟謹撫其弟友愛獨至以貢授出  
東泰安州訓導課士以禮不規細利秩未滿卽致  
仕而歸知縣書其堂曰懷哲

蔣士榛字仲美父早死母林氏孀守榛事母至孝和  
顏悅色家貧養其母雖薄不拂母意督學給扁云  
瑞鍾節孝

土元柱三十一都人父早喪母老病篤元柱剖肝奉

母母病立愈縣令蔣學純扁曰剖肝療母又獎其  
母張氏曰安貧守節

國朝游泰字漢章事母柯氏至孝明邑令蕭惟大舉  
鄉賓旌曰齒德兼隆邑令朱由楫舉孝子旌曰恩  
榮孝友順治初母年九十賊攻城通邑逃避泰以  
母老病不去母子皆遇害數日收殮顏色如生  
汪阿猷二十一都人傭工養母鄢氏母病三載割股  
飼之卽愈

黃順養父黃理生邑張氏僕也養順于襁褓長爲娶  
婦康熙十七年父病篤順潛自割股和糜以進人

不之知父卒順卧病其主詢之妻始吐實驗之割  
痕宛然

彭士錦字文卿事母孝家貧必力具甘旨以供其母  
又善養其叔署縣李拔鄉舉孝子雍正六年奉  
旨建坊旌表祀忠義祠

張其斗字自揚邑廩生出嗣伯庠生世琳事嗣母以  
孝聞戊子寇亂兄其璧弟其翼皆被賊掠爲質索  
贖身金千五百兩其斗立鬻嗣產得千三百金冒  
險入賊營以贖賊謂額未足先釋其璧又再搜括  
得二百金賫往遇賊劫之於途號泣而歸產已罄

矣復百計措貸再賫往贖其翼乃得釋兄弟相持  
且喜且泣貲產一空弗恤也今其子孫振振多發  
達者人謂孝友之報云

張其奎字自徐邑廩生父諱與覺順治四年由薦舉  
任廣東興寧縣教諭時鄭寇據閩僭稱以奎父爲  
國朝臣子順治五年到家提捉奎年二十九歲謂胞  
兄弟曰此去斷無生還之理諸兄弟俱未有子嗣  
我已產有五男雖死無憾遂往見鄭至則誘以崇  
秩堅執不屈遂見殺

林應琦字幼瑋幼失母哭屢慟父輒多方勸止康熙



丁酉祖祠被焚火方熾應琦突入祠抱合族神主  
 以出頓于已之居室火將及復擔主而走他皆不  
 顧天忽反風私居獲保人謂孝感所致乾隆丙辰  
 邑令馮紹立旌曰孝純壽永

謝兆齡字紹任邑庠生事其祖以孝聞時山寇黃居  
 掠其弟紹敬紹州索贖身銀五百兩紹任立將已  
 分產業罄賣得五百金冒入賊營以贖紹敬紹州  
 乃得釋斯時知有兄弟區區貲產不計也今後嗣

昌熾咸謂孝

以上孝友

隱逸

宋黃非熊字夢徵溪南人慶歷間讀書方廣巖下獵人告以巖上有異境非熊剪荆剷險拔緣而上得大石室可容千人乃架閣三層不需片瓦風雨不能犯巖前有千尺水簾王泉洞瑞松塢諸勝不可名狀非熊吟咏其中高隱不仕自號南溪處士元林泉生題

聯云石室雲開見大地山河三千世界水簾風捲露半天樓閣十二欄杆至今黃氏子孫猶世居其地云黃雍字子邵新豐里人少慷慨有奇節知宋將亡隱居山中語及時事必流涕被面咸淳己巳九月丞相文天祥勵志恢復以詩招之使出雍度時事必不可爲遂辭不就徵然每誦其詩以語門生吳璽輒慟哭移時後七年天祥開府南劍復遣人物色之終不出卒於家

明陳文昂字自暉平陽縣令金之子早遊邑庠有聲弘治初應貢入太學授山東夏津訓導爲督學沈仲

律所重秩滿以內艱去職及釋服慨然曰向者甘于薄宦圖薄祿以養母也今母逝矣吾復有志於是乎乃徜徉林下吟咏自娛詩酒為樂居二十餘年卒林景明字希哲浚川人性孝友力學勵行恬於時好弘治中授益陽訓導教人以孝弟忠信聞者油然而自得居三載念母老即棄官歸不忍離左右大尹鄭公數勸之仕曰人生貴樂志耳富貴何為吾不欲季路之遺恨於南遊也即杜門就養日以詩酒自娛居於邑治之仁山著有仁山遺稿知縣文惠書其堂曰孝友云

建字有立由恩貢授永寧丞剛直守法後以子世堪早卒隱居不仕構讀書處於十都草堂老年詩文彌工世堪字與游崇貞庚午經魁詩文奇崛草書宗張旭為邵劍津黃維章所推服  
施絢邑諸生家貧妻子耕織自給絢嘗夜坐看月上至月落不移其咏姬巖有石門寒六月苔磴接千層之句

朱一六三十二都人安貧樂道不慕華膺年八十七兩薦賓筵扁曰永陽大老  
廖全仁字而純號子東即孝子廖泰之長子也十七

入泮食餼選拔貢生常聚徒講學賦詩讀史多士咸  
出其門生平以節義自守隱處深山不出事親先意  
承志菽水承歡及卒縣尹蕭侯私謚之曰貞孝先生  
弟全禮邑諸生事父于蕉坪隱居不出著有詩文  
林達字達道正統甲子以明經赴京考選授感恩訓  
導未幾丁母憂服闋棄官不仕樂方廣名山之勝遨  
遊賦詩自適著有詩詞序記覽醜集行世  
鄢灼字尚輝萬歷末補邑諸生天啓二年補太學生  
期滿授鳳陽縣主簿不耐折腰數月棄官歸不與聞  
邑里事以漁釣爲樂恬澹無事蓋其天性然也

張燦字白何號元丹邑諸生性孤狷不伍凡俗好讀  
文工古文篆籀以兄煙爲陳乃孚仇殺嘔血數升棄  
諸生遁入高蓋山紫頂終身不出

鄢正亨字孔昇崇貞邑諸生丙戌後遂不應試或勸  
之行以無資斧辭或贈之卽沽酒命酌盡醉卒不行  
隱於深山終身不入城市

國朝黃起熊字太占順治歲貢淡于仕進不赴廷試  
教授鄉里

鄢泓弓字德淵順治丁酉歲貢任武平訓導署教諭  
事訓士有方歸休後優遊林下二十餘載教授生徒

遊其門者多克暨立云

義烈

宋林空齋失其名父同官至監丞空齋舉進士爲縣令解官家居張世傑立益王于泉州空齋率鄉人黃必大劉企祖開忠義局起兵復本縣北兵至必大企祖皆走空齋盛服坐堂嚙指血書壁云生爲忠義臣死爲忠義鬼草間雖可活吾不忍生爾諸君何爲者自古皆有死俄見執不屈而死

黃裳與元兵戰爲所斬裳持頭就頸走至龜嶺遇老嫗問曰頭可續乎嫗曰不能遂仆於地鄉人立祠祀之

明楊惟吉二十四都人洪武四年妖人溫九聚黨百人暴戾橫行惟吉走赴都司請兵勦捕奮勇先登冒重傷突入陣鄉人隨之乃獲溫九械繫赴藩司境內獲安有司以其事聞于朝賜鈔錠

林大有邑諸生嘉靖己未倭寇攻縣偕邑令周煥堅守南門城破血戰死祖母王氏年八十二父訓從父諫第大蒙暨童僕數人同日以殉從祀周公祠  
鄢俊字東橋嘉靖四十年菁賊與倭寇蹂躪城邑監司發兵議勦苦糗糧不給俊散家財詣軍門持糧給

兵至明年盜盤踞不散俊曰賊輜重盈積挾之不前捨之不釋是以身殉貨也若得精銳數百人扼其要衝可盡覆也乃募勇士六百餘人請往擊賊直擣而前殺數十人賊稍退俊追擊至九龜林盜伏叢薄中刺以鎗死焉俊以俊牽掣故緩于攻城俊死倭見數敗遂奔莆田城保無虞者俊之力也監司以忠勇旌祠祀于周公祠今祀忠義祠

正畿字德都邑廩生少儻善屬文崇貞甲申正北而慟哭幾絕遂棄諸生遁跡深山作詩文見志自號亦必近八唐土據聞正畿授戶部司務陞二六科

給事中未數旬五上封事忤當專意投劾歸俄而

大清兵至招諭使出正畿與妻子永訣沐浴整衣冠自經死所著有紫頂草內外編皆已刻行世未刻者曰葫蒞草 國朝祀忠義祠

林泰嘉靖三十八年倭奴卒至陷城郭及至湫口泰素以軍法部勒其佃客乃召三百人以衛鄉里祝鳳不知何許人鬻歌於永福訓導彭紹夔嬖之嘉靖三十八年倭攻陷永福紹夔素病痿痺家人皆遁亡獨鳳持紹夔泣不肯去卒負之縋城而逃既而家人皆見殺獨紹夔以歌者免

鄢正蘄字德虞邑諸生正畿弟也崇貞甲申賦傷懷  
詩自投月洲溪以死弟正重字德端從林師稷倡義  
死於戰陣

鄢正衡字德銓又字阿平亦正畿弟爲邑諸生善詩  
古文與正畿並名丙戌後正衡見兄三人先後皆以  
節終悲悼不勝作三愚合傳辛卯以積餽當貢不就  
試督學促之急正衡往受題不作文假寐至午書卷  
首日青史不可沒忠孝本吾心遂起納卷督學憐之  
置不問出髡爲蹇菴僧更名止行居小白渡作小白  
渡志種藥教授著詩文若干卷室人早卒不再娶無

子以僧終

林師稷字克農邑廩生崇貞十七年讀懷宗罪已詔  
感憤倡義於玉融兵勢稍振泊貝勒臨閩命使招諭  
師稷辭使絕食自經長子拱星亦起兵將會父於玉  
融聞父殉難慟哭絕而復甦服斬衰北面叩頭飲藥  
而卒

方餘字伯坤大樟人崇貞諸生博通羣書卓犖不羈  
見國步多艱有攬轡澄清之志棄諸生從戎平海寇  
累功授鉞分鎮浯嶼巡撫王某欲進攻東島餘謂當  
今神州陸沈生民塗炭明公將拯救撫勞之不暇顧

乃闕遐荒之士擾鹿豕之羣妄冀有功是捨其腹心之疾而求諸膚髮也撫公怒以爲阻兵失機文致之下詔獄七年乃釋時荷蘭侵入浯嶼餘單騎臨諭之荷蘭素聞威望卽退歸東島錄功得復職餘赴闕上書指斥時事爲權要所抑不報寓燕邸十餘年痛奸邪之誤國憤懣莫可告語及聞妻妾二女相繼病歿遂南旋抵家未幾竟以坎壈不得志賫恨而卒妻呂氏妾周氏及二女皆能詩

國朝黃美字西人邑生員輕財仗義甲寅耿變賊首陳德元率衆攻縣美爲總練捐米食衆燃燈偕衆備

禦城賴以安後耿逆勒餉誘以崇秩不受自縊於雪峰寺

張瑞俊字啓藻順治丁酉舉人時有奏銷之牘註誤者衆瑞俊伏闕上書訟寃經廷杖四十詔三法司訊問得雪直省舉人悉予開復後授無錫縣知縣未到任卒

### 義行

明林宏毅字仲守邑諸生慷慨踈財邑令唐學仁慕之聘脩高蓋山志

張世宗字與登由貢生官京口郡幕署丹陽縣慈惠



不忍行刑後解官閉戶著書寸楮不入公門  
張文熊字應瑞境之子家世醇謹以行義聞於時由  
貢生授分宜訓導秉禮課士惟有善政未期年卽乞  
歸督學玉巖周公甚見稱賞後謀于邑令何謙遷學  
築城捐資五百兩事載何令築城碑知縣文惠扁其  
門曰義門張氏

黃東字德脩一都人樂善好施自負節俠正統景泰  
間邑羅兵燹民苦浮糧徵輸不前東憤然訴之當事  
乃免稅糧一千四百餘石明年又饑逋稅山積復親  
走京師上疏免稅糧一千九百石布政使黃澤贊其

爲一方偉人云

柯立字四通年高長厚樂義好施鄰郡山賊作亂攻  
掠至本邑南偏馬守備統兵驅勦捐資千金充餉萬  
歷丙午縣令袁世用聞於當道題給冠帶並錫好行  
其德扁額又諸壇廟各鑄鐘爐施田畝由南山至湖  
裡亭大路砌造四十里至今人頌德焉

張啓魯字有傳由增廣生遙授訓導值明季堅辭不  
赴任嘗爲父母營窀穸及扶櫬到山其堂兄啓智已  
將已父母塋在壙中啓魯見之毫無改容卽就兩旁  
各造一壙塋親而歸戚屬咸稱孝友又有人賣女銀

十一兩遺失道旁啓魯問得其實情卽如數與之捐已業爲祖上蒸嘗族中有負公項者代爲賠墊兩舉耆賓錫扁蟠根奕葉壽九十有一

汪瑞陽龍門人行事多闕名教崇貞甲戌歲凶荒鴻聲嗷嗷思發諸鉅家窖竅而攫之粟擁粟者益豪閉瑞陽躬貸千金分給諸嗷嗷者非是亂且作至今人頌德焉

何正裔字其永邑庠生山寇竊發築堡以衛鄉里菁賊邱一二總縱亂赤洋地方正裔率鄉兵敗之兵備道王公給賞有差生平好施與選人遺金贖人鬻女縣王董舉介賓

朝程奏公生平好義樂施康熙甲寅山寇李鬍圍寨半月寨內無水衆幾莫支奏公夜縋而出自捐銀三百兩往二十四都杉洋請鮑李倪三姓計百許人護救寇乃退寨內一族賴以生全

江墉字崇夫號德軒上坊人慈和樂易慷慨好施愛高蓋名山室之勝建魁星閣觀音亭鐘鼓樓諸所以供遊眺榜一聯云風捲珠簾鳳立臺前疑雨至日曛翠蓋僊人洞口覺天開凡道路輻輳之地置亭以憇行旅如巖下後畚井後界竹口其尤著者也曹溪歇坪蜚英汰口東亭虎坑松灣水皆湍激悉造橋梁覆

亭其上行者便之 文廟傾圮念父世耀曾與脩建之功因引爲獨任令次子釗更新之釗字茂公邑庠生贈迪功郎性孝友善承父志重脩 文廟糜金逾千編脩謝道承文其石生平樂義好善凡有益於人者竭力以濟而歷世皆競競于 文廟尤爲人所稱頌云

耆壽

陳俊字克明湯泉人生于唐僖宗中和辛丑年歷五代及宋至元泰定甲子年而歿歷年四百四十四歲子孫無有存者皆鄉人輪流供養遺骨塑像在湯泉

廟中鄉有龍津鰲峰宮經三壞俊三爲脩葺有木牌紀其事實其木至今不壞人相傳以爲少彭云

明張元相字朝贊邑增生博通經史裕後有規享年一百歲三薦賓筵萬歷丙子知縣旌其宅曰世德堂黃牛真漁坑人年一百歲崇貞己巳知縣王嗣夔延請鄉飲

國朝沈一郎陳山頭人年九十九順治庚寅知縣朱思睿延請鄉飲拜跪如常

董邦靖字守本大樟人七歲失母事繼母如嫡順治戊子海寇內訌父克肫被虜靖年十六奔赴寇船請

代俾父歸納贖金六百兩酋許之父歸愆期未至酋怒將斬靖者二旁酋有憐其少者輒為解釋適福清人陳必昌負義俠與克肫有故為贖金以償乃得生還年九十一而終三受 覃恩祿帛 游祿宏字永大祿宜之弟由增廣捐太學九十生子壽九十有一

謝紹元廿五都人壽九十有二

楊應宥字善釋紫山人寬厚樸誠享年九十有二

謝禹第字元捷赤水人性孝友享年九十

楊廷表字近田尾汾人享年九十有五

謝紹丹廿五都埔嶺人壽九十有三兩受覃恩祿帛

張世亮盤谷人壽九十

陳杭字豫水素性仁厚品行端方戴邑侯獎曰孝友流芳訓子見熊入庠年九十不用杖扶里黨咸稱為盛德

柯有增年九十六歲增廣生員知縣高克藩賜扁額典型俊望

黃世聚東湖人鄉飲者賓邑侯黃旌曰齒德嘉賓

何與京順治十七年邑侯畢延請耆賓旌曰品行可風

林仕映邑庠生介賓以孫尙魁贈通判壽八十六  
江源字希清三都莒口人乾隆九年邑侯胡舉耆賓  
扁曰以德引年

一都何興儒知縣高請鄉飲耆賓登明倫堂扁額達  
尊有二

二都蔡茂冬知縣張宣請鄉飲耆賓登明倫堂扁額  
德重鄉評

游泮字爾明二都人邑侯高舉鄉飲耆賓扁額喬年  
雅望

柯正裔字其永邑庠生慷慨疎財康熙二十一年介

謝紹丹廿五都埔嶺人壽九十有三兩受覃恩祿  
張世亮盤谷人壽年九十

陳杭字豫木素性仁厚品行端方戴邑侯獎曰孝友  
流芳訓子見熊入庠年九十不用杖扶里黨咸稱爲  
盛德

柯有增年九十六歲增廣生員知縣高克藩賜扁額  
典型俊望四字

黃世聚鄉飲耆賓邑侯黃旌曰齒德嘉賓

東湖人

何與京順治十七年邑侯舉延請耆賓旌曰品行可  
風

林仕映邑庠生介賓以孫尙魁贈通判壽八十六  
江源字希清三都莒口人乾隆九年邑侯胡舉者賓  
扁曰以德引年

一都何興儒 知縣高請鄉飲者賓登明倫堂匾額  
達尊有二

二都蔡茂冬 知縣張宣請鄉飲者賓登明倫堂匾  
額德重鄉評

游泮字爾明二都人邑侯高舉鄉飲者賓匾曰喬年  
雅望

柯正裔字其永邑庠生慷慨疏財康熙二十一年介

賓邑侯董扁曰德崇詞苑

王澎監生考職介賓

江墉字崇夫介賓

柯道新邑增生康熙戊辰邑侯董延請大賓以子宜  
椿舉人教諭贈文林郎加授奉直大夫壽八十六

張瑞英生員例監介賓

張一坤庠生邑侯翟延請介賓

魏登府字君聚康熙己卯邑侯翟延請者賓旌曰品  
符西庠

黃俊毅縣主高延請者賓扁曰虹泉繼美

東湖人

朱君誼康熙四十年縣主高延請耆賓

陳濟美縣主高舉耆賓

林師孟康熙己巳邑侯張舉耆賓壽八十六

孟璣王耆賓

張世庸生員字與崇雍正癸卯舉介賓壽八十五

王文泮耆賓

蔡士佐耆賓

江釗邑庠生介賓以子清贈迪功郎

章文旭縣主高舉耆賓扁曰一鄉矜式

黃鑰乾隆九年邑侯胡舉耆賓

黃宣智九十一歲縣主來旌曰善著一鄉 東明人

鄭湖三十三都人秉姿渾樸享年九十有六

林元駿字而沂邑庠生壽九十二邑侯張珥錫扁曰

五代同堂

鄔廷敏字德猷麟洋人壽九十有四

何元高字炫庭蒼霞人壽九十有二

張錫繁盤谷人年九十四邑侯崔旌曰盛世人瑞

鄔世鍾字孔介麟洋人壽九十

張守易字以占盤谷人年九十五邑侯裘扁曰熙朝

耆英

林起榮九十二歲

侯有典壽九十有二

黃世容九十歲 東湖人

黃邦球九十歲縣主來旌曰眉壽風高 東湖人

以上耆壽鄉飲

*[Faint bleed-through text from the reverse side of the page]*

*[Faint bleed-through text from the reverse side of the page]*

*[Faint bleed-through text from the reverse side of the page]*



列女

宋林氏劉仝祖妻祖與妻兄起兵自經死有司執林氏具反狀林叱曰林劉一族世爲宋臣事之不成天也何爲反乎汝知去歲有以血書壁而死者乎是吾兄也吾忠義之心與兄一也可爲汝等凌辱耶遂遇害

明方惠女林愈妻三都大樟人年十八適愈僅一載愈卒甫葬其夫卽爲雙壙舅姑早亡無期功之親外姻有慕其容色者欲脅娶之惠女知之卽還父母家父母憐其少無子諭之改適終不從居數月父母俱

卒弟鏐纒四歲惠女撫之成立洪武二十年任涪梁主簿惠女年六十三而卒鏐舉其柩與愈合葬焉祀節孝祠

黃三小方鑾妻閩縣人也年十六適鑾年十九鑾卒號哭不食三日以手刃自裁而死祀節孝祠

林玳小王拱妻拱檢討偁之次子也生子樞方八月而拱卒林時年二十有一節操冰霜年至七十而卒林潔娘郭祉妻景明之女也適祉六年祉死事姑撫女擇宗族宜而賢者爲嗣愛之如已出操行無玷知縣文惠扁曰貞節

林淑真張文纘妻三十二都林敏之女也二十七歲文纘死惟一子淮氏撫之成人爲邑庠生淮娶婦林氏生一子名元淮先母卒林氏與姑又撫其子成立時稱兩難焉

鄭氏方湛妻莆田人也湛以祖軍隸興化籍娶鄭氏甫二十踰九年湛死鄭氏痛哭幾絕復甦者數日死妾當殉奈無所出何以奉吾姑暮年遂矢志不二取伯氏子師舜爲嗣撫愛甚至他日歸寧其母導之他適鄭氏憤悒遂與母絕家貧吃苦茹淡以事其姑祀節孝祠

林氏蔣應朝妻夫死育子士綦守節至老督學表其門

陳氏邑庠生鄭文釗妻北溪人也年十九歲文釗溺水死陳氏痛夫死於非命哭泣幾絕無子惟一女家貧父母欲奪之嫁陳氏不從辛勤紡績以事舅姑友人周朝佐輩憫釗尸弗獲繪顏以弔陳氏朝夕焚香拜祀囑家人曰我死當以此顏合葬至四十六歲而卒

宋氏邑庠生董朝鍾妻閩縣人通判宋邦俊之女也年十八入董門方一歲而朝鍾卒氏痛哭不自勝誓

志堅守卽屏脂澤華服終日不出閨門雖家人亦罕見其面敬事舅姑茹荼三十餘年卒祀節孝祠

檀氏邑庠生鄢燦妻燦早歿檀矢志撫孤

李氏邑庠生方焯妻焯卒李年二十撫男瑾補邑庠

生瑾又卒妻林氏年二十一撫男岳補邑廩生岳卒

妻林氏年二十三撫男時典聘霍邱令黃楷女淑貞

未成婚而時典卒淑貞聞訃奔喪及門而時典復息

淑貞割股調藥以進有頃氣絕淑貞欲自經其姑諭

之曰子非子乎於是淑

貞以立孤難於死珠吞符節無子所子非子乎於是淑

乃屏絕鉛粉與姑相依又慮外家見逼乃剪髮斷

髮以自誓年六十餘萬歷二十一年督學使者表而

旌之

張氏鄢廷儒妻儒早歿家貧值兵燹之時張氏守志

撫孤備嘗艱瘁

張氏諸生鄢正薊妻正薊殉節投水死張憤懣不食

亦殉夫以亡

何庸姐鄢肇寵妻年二十六夫歿何矢志撫孤至于

成立

薛足鄢日椿妻年二十八夫歿遺孤甫三歲薛事舅

撫子悉循禮法

周玉簫方伯坤妾能詩坤爲武將守澎湖失機下獄論死伯坤囑家人爲嫁此婦周氏不從紡績養姑寄詩伯坤有意此貞心托杜鵑之句後伯坤出獄留滯都下久不得歸周氏以憂瘁病卒

鄔采蘋諸生汪有剛妻鄔正畿之女弟也夫早逝山寇肆掠鄔攜幼子走避寇將至語其子曰汝速逸寇得汝必求贖貧無以贖則俱死耳子哭牽裾鄔以杖擊之賊至執之鄔語之曰吾有簪珥藏牖下可往取之賊信之偕至家鄔曰吾懼汚誑汝今返舍矣賊牽

之行抱柱大哭遂遇害

黃綉小十二都人張文德之妻也年二十歲夫死家貧或勸之他適氏不從屏粉飾勤紡績撫遺腹子成立至六十七歲卒

國朝游莊姐鄔廷致妻年二十二夫歿游欲以身殉姑防之密議立嗣以安之游佯喜曰如此則婦有恃可不死矣及夫五七之辰語婢曰新宅井水獨清可汲取沐浴將禮佛爲鄔郎懺拔家人殊不疑是夜整粧飭服袖夫所讀書數冊自經死 國朝建坊旌表鄭氏張道賢未婚妻賢早歿氏凶服過門與寡姑唐

氏守節紡績以供甘旨姑卒營葬姑及舅並爲夫穴以已與焉邑令張樹聲扁其門曰栢心早植康熙初姑卒營葬不食而死

魏儀使許聘尤溪黃金里未娶皇身故女白衣往弔居黃門半載無舅姑乃歸外家不食自經死年甫十六邑令呂耀乾詳題監坊墓前額曰孝烈

柯望使適夫林文憲夫死女不食五日自經死邑令董治國扁曰從容完志

柯氏鄭啓典妻典死于鄉氏奔喪運棺歸家至四十九日自經死

陳氏郡庠生張愚妻愚順治十年卒陳氏自經死游廷官鄔鏘妻卽游莊姬之女任于歸末期夫以試事在省病故訃至游欲以身殉姑以年老勸止爲之立後乃奉姑撫嗣子孀苦十三年及姑卒嗣子已娶嘆曰吾事已畢可死矣卽水漿不入口以餓卒邑令旌其門曰嘉節待褒

柯旺使邑諸生柯有啓女歸福清孝廉林懋勉子士章士章病將革氏遺以錦囊曰待妾于五日之後以此爲信士章受而瞑目旣殮裂布爲兩翬帛並置于座至期沐浴更衣祭奠夫靈拜訣姑氏及戚族以次

行禮訖乃從容投繯死時年二十一

某氏鄭君瑞妻戊子寇變被執投巖下碎骨死見夢於君瑞覓尸回塋顏色如生

劉月姐年十六遇賊被執欲污之不從詈不絕口遂遇害

張德瑗張上春女移居會城許嫁閩縣倪廣年因寇警避地甘蔗洲遇賊與兄嫂陳氏俱赴水死年二十九

梁氏柯鑾妻通志有載未經立傳

翁氏邑庠生彭舉妻夫早逝翁矢志撫孤士錦比長

事母以孝聞

義姊謝秀璉生有慧質年十三父母繼歿遺妹五歲弟甫生數月義姐撫妹而哺弟復綜理家務及笄有求婚者峻拒之曰吾姊孀何依自矢不字及弟妹長成爲之婚嫁爲一室上堂事親年既老值山寇竊掠過其家相戒勿犯... 旌曰節孝雙全

林麟俊北山謝本... 妻義姐胞侄... 旌曰節孝雙全

八... 節... 悉... 遵... 義... 旌曰節孝雙全

至老甘苦備嘗邑侯戴... 旌曰節孝雙全

程詩... 張珏扁曰結襦泉... 朱推使張... 年采氏... 元... 七邑令蔣... 可... 家... 年... 林... 姑... 帶... 張... 棺... 而... 林... 姑... 之...

朱推使張... 年采氏... 元... 七邑令蔣... 可... 家... 年... 林... 姑... 帶... 張... 棺... 而... 林... 姑... 之...

年采氏... 元... 七邑令蔣... 可... 家... 年... 林... 姑... 帶... 張... 棺... 而... 林... 姑... 之...

元... 七邑令蔣... 可... 家... 年... 林... 姑... 帶... 張... 棺... 而... 林... 姑... 之...

七邑令蔣... 可... 家... 年... 林... 姑... 帶... 張... 棺... 而... 林... 姑... 之...

可... 家... 年... 林... 姑... 帶... 張... 棺... 而... 林... 姑... 之...

家... 年... 林... 姑... 帶... 張... 棺... 而... 林... 姑... 之...

年... 林... 姑... 帶... 張... 棺... 而... 林... 姑... 之...

林... 姑... 帶... 張... 棺... 而... 林... 姑... 之...

姑... 帶... 張... 棺... 而... 林... 姑... 之...

帶... 張... 棺... 而... 林... 姑... 之...

張... 棺... 而... 林... 姑... 之...

棺... 而... 林... 姑... 之...

而... 林... 姑... 之...

林... 姑... 之...

姑... 之...

之...

...

...

...

...

...

...

節可風祀節孝祠

蔡副姐陳瑞亨妻邑庠生陳策勲之母烈女陳臯使  
卽其女孫也年二十一夫卒育一子氏上奉翁姑下  
撫孤兒姑病割股孀居六十七載邑令扁曰節烈齊  
芳祀節孝祠

劉擇使齋一鴻妻年二十一于歸孝事舅姑二十五  
歲夫卒男齋禮方四歲劉誓不獨生因念舅姑年老  
孤兒幼幼遂忍死守節迨舅姑相繼歿鬻簪珥治喪  
擇地營葬教子成立雍正十二年 題請建坊旌曰  
高紀筠心享年八十有一

陳壽使陳允禮妻年十七歸陳家素貧安然無怨八  
閱月而允禮死哀慟震閭里夫七終卽謀葬地言曠  
宜寬大以圖後用葬畢不食九日扼腕以卒

陳臯使邑生員李友杜妻未成婚而卒臯使聞訃肩  
輿造門時堂中具酒筵如待新婦禮臯使從容飲食  
畢易素服靈前自縊死祀節孝祠

劉舉官年十六適董繼芳二十四歲夫卒翁姑七旬  
一男三歲家貧紡績以養男三十又卒劉又撫嗣孫  
備極艱瘁孀居六十餘載見曾孫十餘年乃卒年八  
十七



陳娶使適黃毓長生子甫遇毓長卒陳年二十三孀  
守家貧勤紡績上奉老姑下撫藐孤邑令旌曰操凜  
冰霜祀節孝祠

黃顯使十二都人適福州詹周士三載生子不育而  
夫死氏當夫首七自縊夫柩之旁舉人殮之堯爲之  
立傳

林慧使儒士卓道祿妻年二十三夫死孀守四十載  
事姑孝敬訓子義方康熙丙申年卒

張氏莆田人年二十一歸于邑民陳子儀甫四載夫  
卒遺腹七閱月氏日慟哭靈次夜以片蓆卧柩下其

身自莆來探其微意氏哭曰生爲陳婦死爲陳鬼  
無他也及產一女氏惻然遂棄于河時十月十二日  
乃夫卒哭之辰是夜靈柩下扼吭而卒邑令來公旌  
曰義不獨生

黃氏張礪公妻礪公死數月黃氏從容就烈 撫軍  
旌曰含笑九泉祀節孝祠

陳渭使年二十歸于南湖鄭介卿年二十九介卿卒  
氏惟一女歸與胞弟惟權同居苦志孀守後惟權夫  
婦淪亡氏爲撫其遺孤口授孝經論語訓誨成立其  
苦節較他人爲難焉

林上坊張運中妻十八歲于歸歷四載而夫卒矢志孀守擇嗣撫養歲時致祭事死不啻事生教育藐孤母道而兼父道苦節自甘四十餘年足不踰閭至六十四歲卒

柯秀使幼失父母育於伯父孝廉柯宜椿許配張大儼未婚儼卒柯年十八謂伯父曰養育深恩未能酬報但賦命不辰夫有翁姑應往奉之願大人割愛遂入張門執婦道孝而有禮屏鉛粉椎髻練裙垂六十餘年中外親屬罕見其面嗣子紹雄爲邑諸生孫曾林立撫軍廉其狀以聞建坊旌表

方祥使張光敷未婚妻也光敷幼穎悟勤學年十五於族中昆從集一文會自作會序有五日爲期功無容作輟一週復始藝務底精專之句因攻苦得癆症年二十一而逝祥使聞訃卽表張過門拜太翁翁姑及六靈座前禮畢卽言願以身殉翁姑悲泣挽留祥使徐答曰婦得從夫九泉死亦何憾願大人勿強留也卽日從容投繯以卒雍正五年建坊旌表坊在小東亭

林雍使程克繼未婚妻幼許字克繼未及于歸而夫卒林氏年方十八聞訃卽過程門孀守素翁姑致敬

盡禮撫嗣子無異已出生平足不踰閭勤儉紡織爲嗣子鯤名捐監皆從十指中出康熙五十四年四十五歲卒

謝寨姐林爾賢妻夫歿時年二十一歲遺腹六閱月生男孟震矢志守節奉翁姑撫幼兒盡孝盡慈至八十二歲而卒

陳居姐程克煥妻夫歿時年二十四歲生一子六歲家道貧寒陳氏苦節自甘晝夜紡績奉翁姑撫幼兒塋夫極艱苦備嘗毫髮無憾鄉族咸欽重之年六十七卒

林氏孀居守節年二十一歲孀居孝養翁姑訓誨

秀邑諸生年六十餘

士氏廩生黃其宏妻年二十一歲孀居守節年七十餘張整使程敦榮妻年十七于歸甫及一年而夫卒張氏哀慟幾絕誓不獨生因翁姑在堂苦諭以立孤爲重遂矢志孀守敬事翁姑慈愛嗣子迄今五十四歲苦節自甘戚屬亦未克見其面者

唐士姐三都方璧妻也唐年二十九璧卒矢志守節撫四子皆成立年七十有七而卒

王意使方其騮妻也騮病卒王年二十八矢志撫

子次子翼為補邑庠生王卒時年六十有六

張氏王克善妻也生子昌明甫一週而善逝張年一

十四撫子昌明年二十而歿娶陳氏無子取侄孫世

伯為嗣孫氏與其婦茹荼以撫嗣孫營葬翁姑及夫

與子凡六窶皆張手自拮据營辦族黨以為難

彭氏孝子彭士錦之女年十九歸生員林在德三載

在德歿彭年二十有一矢志孀居撫育嗣子年七十

五歲卒邑令馮紹立旌曰瑞齡芳節

馮氏鄢廷而妻年二十五夫卒一孤在抱瓶無宿春

矢志無流紡績以給拮据盡瘁卒至成立

王氏鄢肇鎬妻年二十五夫歿孤甫四歲矢志撫育

張氏庠生鄢庶績妻夫溺于水矢志撫一孤奉翁姑

維謹及一孤成立長名曰傳娶婦馮氏而日傳又歿

姑媳熒熒相依及次男曰偉娶婦生長男遂立為婦

馮氏後門戶復振姑媳一氏之功也

張雍鄢成志妻年二十六夫歿取侄一位為嗣奉養

翁姑教誨嗣子後一位為邑廩生邑令戴滋暢扁曰

節孝傳芳

檀顯鄢而術妻年二十三歲夫歿無子撫嗣子備極

恩勤孝養翁姑克盡婦道

魏順鄢而衡妻年二十四歲夫以省試病卒遺孤甫  
四月魏奉養翁姑撫育子息方伯秦國龍扁曰松柏  
同堅

林淑使庠生吳苾崑妻年二十七夫卒止育一女三  
歲翁姑擇嗣治喪林誓不獨生水漿不入口七日翁  
姑苦諭曰二老在堂婦宜知孝子女無依婦宜知慈  
遂矢志孀守孝奉翁姑婚男嫁女靡不竭誠就理年  
五十七卒

柳去使薛仲器妻器年十三病癱女及笄器自顧家  
貧病廢親立退婚付柳父母氏誓死不二待字二十

七歲夫病得痊鄉里憐女志各相贈成禮執婦道食  
貧刻苦生二女一男不數年夫卒氏勵志撫孤長女  
已許嫁憂勞成疾卒而復甦曰我遇亡夫謂我死子  
女何依遂將幼兒囑女婿收恤一幼女付所親爲婦  
越三日卒聞者莫不嘉嘆

林熙使杜世炳妻年十六適杜二年而杜卒遺腹有  
四十日越明年生男矢志靡他夫無兄弟之親林奉  
姑撫兒備極艱苦姑卒殯殮盡禮撫子成立年五十  
九卒縣主程具詳祀節孝祠縣主何錫扁曰冰操流  
芳

張寧官汪世正妻年十七適汪甫二載而夫亡遺昏  
病老翁一女三歲張厲志冰霜勤勞紡織擇旁枝爲  
嗣撫養成立爲之婚娶奉老翁三十載翁卒喪葬盡  
禮年四十七歲卒

鄔氏張自聲妻也母溺于水自聲赴救母得生而已  
反溺死鄔年二十四代夫奉事舅姑撫育嗣男嗣男  
成立娶媳鄔氏未幾又夭折姑媳同心孀守教育幼  
孫今年七十餘

林氏鄔一樑妻樑歿越四月遺腹孤生林上孝翁姑  
下育噉子况瘁備嘗卒克成立

汪氏鄔大紹妻年二十一夫歿無子汪事老姑撫嗣  
子克盡婦道

鄔篆使何煥貞妻敬夫如賓事姑以孝年二十八而  
寡矢志撫孤皆克成立男國芝邑廩生學使楊炳旌  
曰寶婺流芳現年七十歲

曹珮官鄔一昱妻曹學佺之女孫也年二十而寡無  
子以猶兒爲嗣矢志靡他歷三十載悲慟未嘗見齒  
任氏陳知日妻年十七于歸十九歲夫卒遺孤四閱  
月氏矢志撫育值耿變田荒徭重流離瑣尾艱苦備  
嘗

永福縣志 卷之八  
余氏名金柳汪世合妾夫病革時許以身殉至三七  
之晨謂嫡曰大人擇嗣以續宗祧妾從良人于地下  
兩俱無憾是夜投繯以殉

某氏陳宜子妻夫家貧剃頭爲生及夫卒氏從容自  
經而死

傅氏巫志侯妻年十八適巫甫一載而夫故郎伯父  
母代爲通媒許配氏誓死不一抱養一子三歲撫至  
十五歲氏卒

葉勸使魏大賚妻年十八夫故矢志靡他未有子以  
夫弟之長子爲嗣恩勤撫育康熙庚子邑侯來旌曰

節比松筠享年七十二

朱鶯使魏鍾妻年二十一而夫歿遺孤二氏孀守不  
二撫子成立乾隆壬子縣主馮旌曰冰節堪欽

何波使謝卿長妻于歸兩載而夫卒矢志殉烈登臺  
從容自經乾隆十年兩院題請建坊於輔弼嵐口

陳扶姐適羅姓被陳淑征圖姦氏羞忿自縊乾隆六  
年知縣胡維炳詳請巡撫王奉

旨建坊旌表祀節孝祠

吳僊使魏大敦妻夫歿時年二十三矢志孀守雍正  
二年鄉旌舉報縣主來給扁額曰貞節可風

林碩使張昌儀妻年二十八歲亡歿栢舟自誓孀守至三十餘年奉姑盡孝撫孤子聯芳成立入成均氏乃卒邑侯戴扁獎曰懿德純長祀節孝祠

何組使監生吳家珩妻二十二歲孀守雍正二年縣主來額曰節同柳邵

林爾宜邑諸生柯端陽妻工部員外郎林祚女夫歿時年二十五欲殉者屢姑苦諭以養老撫孤遂矢志守節奉侍惟謹喪葬盡哀盡禮鞠子備極艱辛年七十一卒子元龍爲邑諸生

林京舍柯大煥妻德化舉人林汪遠女年二十九夫

卒太姑老及遺孤三林矢志自守事姑竭誠紡織佐子讀書後邁疾却醫藥而逝督學車旌曰媲美柳歐子玠明經候選訓導次瑞玉三文儀孫典皆隸邑庠柯歲使葉任彭妻夫病故年二十二未有子擇從子長菁爲嗣氏撫之如已出孝事舅姑塋祭盡禮夫弟幼氏支門戶持家政備極艱難今年六十餘督學戴旌曰節孝垂光太史林枝春爲立傳

陳佑使林玉卿妻十八于歸二十四夫卒矢節事姑撫育嗣子至四十九歲嗣子又卒復撫嗣孫成立今年七十二



黃士韞林在劫妻夫早歿黃氏堅志殉烈老姑勸阻  
至夫小祥談笑自若是夜咏絕筆詩一首作四辭別  
姑伯姆弟從容自經著有詩集

李氏邑諸生林在邦妻年二十八夫卒矢志孀守撫  
二孤俱成立爲邑諸生年七十二卒

李氏蔡惟典妻夫早歿氏矢志冰節今年八十一歲  
賴氏蔡孔玉妻年十九而夫卒苦節自甘今年六十  
有一

張氏蔡孟章妻夫卒家無升斗堅志靡他今年六十  
有二

游氏張其藻妻二十五歲夫卒遺太姑陳氏一男遺  
育二歲家清貧艱貞苦節孝奉姑二十餘載撫誨男  
道育爲邑增廣生經舉報爲優行生員皆游氏訓也  
卒年七十

廖粧使張叶莊妻廖全仁之女二十二歲適張越六  
年而夫歿苦節自守壽至八十三卒經沐 恩賜粟  
帛媳陳恭使于質妻二十八歲與姑孀守一門二寡  
程美使鄭光達妻二十七歲夫故氏孀守雍正甲辰  
年邑侯來扁以節撫有功享年六十

張廉姑陳曰信妻二十五歲夫故氏甘心守節雍正

二年署縣沈額以節孝流芳享年六十八

方愛姑張爾文妻二十八歲夫故氏栢舟自誓矢志

無他乾隆丁卯年儒學教諭林扁以冰操松心享年

七十有五

夏玉使二十歲適何國棋克盡婦道五載國棋故孀

守五十餘年足不踰閩族鄰共推其節乾隆十一年

身故年七十五歲

黃淑貞適何世輻夫病篤山寇猝至氏惶恐不知所

之遂為所擒寇欲污之乃厲聲曰我本良家婦豈以

忠難易操殺任汝殺竟死於賊年二十六歲邑侯蕭

正大勒石旌之

張竒姐適余君拔二十一歲夫故矢志孀守玉潔冰

清康熙四十一年邑侯高克藩匾曰貞淑可風享年

七十有五

張美姐適盧以鼎不逾年而故氏方二十四歲孀守

不渝雍正元年邑侯來珏表曰節凜冰霜享年六十

有八

章福貞十九歲適汪兆璋孝奉舅姑二十五歲夫故

撫養男邑庠生慶深邑侯高克藩旌以歲寒松栢享

年七十有四

汪怡使適檀祖榮二十九歲夫故守節四十餘年撫恤孤兒義方垂訓乾隆十二年署縣陳匾曰古栢長榮今年八旬

陳長姐適檀祖佺二十八歲夫故孀守不渝撫養二兒克自成立現年六十有八

莊車使邱啓受妻年十九歲而夫妯舅姑憐而欲嫁微諷莊莊不應疑其志改遂受某氏聘金莊佯爲不知及期拜辭舅姑及夫靈座從容入已臥室自縊身死

吳氏陳易脩妻二十四歲夫卒遺孤七閱月矢志守

節現年七十有九

陳氏林宗夷妻二十八歲夫卒苦節孀守撫育二子現年五十有二

林淑使適汪持邇二十三歲夫沒遺腹生一男撫養成立現年七十有五

鄭氏興化女十五歲適邵典盤二十一歲夫出商外故織紵以育呱兒尋又中殤氏矢志愈堅霜節不移

林氏生員游渭妻二十四歲夫卒未有子嗣氏矢志孀守擇嗣撫養布政使司劉旌曰孝行貞標享年八十七

張志使生員游佺妻于歸五載而夫卒氏矢志栢舟  
撫子成立享年八十九

吳瑞使邑庠生林球妻二十一歲夫卒遺腹男公養  
吳氏伶仃孤苦教養成立孀守五十五載年七十九  
卒督學司百職旌獎額曰芳節裕後

盧餘使張宜公妻二十二歲適張一載夫卒遺一孤  
七閱月矢志孀守母子相依至婚娶成立男又卒乃  
擇親姪爲嗣教育之恩無異已出今年六十冰霜之  
操至老不衰

林氏生員黃鉉妻夫卒年二十五歲撫男五歲值兵

災親理徭役流離播遷前縣來珏獎曰壺範猶存後  
男成立授職告歸終養

王生宋方在妻年十八適方生子經世甫五歲在卒  
王年二十七孀守奉姑二十三年訓子力學爲邑庠  
生今年七十有五

葉莊使朱秩人妻十九歲適朱越三年夫故奉翁姑  
盡孝撫嗣男訓誨成立今年六十有一

沈氏太學張宗隆妻年十八適張二十五夫卒遺腹  
生男慶輅孀守撫孤享年七十八孫魯四代藩憲秦  
國龍額獎懿德揚芳

朱氏張夢捷妻二十五歲夫故貞靜孀守二十六載  
至老不倦婦功

鄭穹使陳經侯妻年十九適陳清苦齊眉二十七歲  
夫卒撫二孤矢志鞠育機聲達旦長入太學次貢生  
士兆卒年七十一

毛端使林文重妻二十五歲夫故絕食四日忽大慟  
語家人曰未亡人豈忍效世俗戀戀輕塵棲弱艸哉  
奈夫本生庶姑及三幼孤微氏誰司厥責竭力事姑  
二十餘年撫督三男成立邑侯戴滋暢獎扁曰節操  
松筠今年六十六歲

柯美官監生黃元吉妻年二十歲適黃二十九歲而  
夫死矢志冰霜節比松筠

鄭昭宋吳永生妻十六歲適吳十七歲而夫故撫孤  
學寵纒三個月後子學寵歿與媳陳氏撫孤孫東  
明族內操戈百計支提

邱新姐年二十四夫陳君喜卒苦守孝節奉翁姑撫  
遺腹孤兒陳淑景壽至六十六兒孫滿堂一都善  
村人

江恒哥生員柯正甲妻年十九適柯二十五歲而夫  
卒無子家貧紡織擇猶子再元為嗣後為邑諸生

知縣高克藩扁其門曰水雪奇姿

林氏生員黃炫妻年廿八孀守撫孤時值兵燹艱苦

備嘗前縣主來珏詳請 撫憲呂旌扁曰壺範猶

存

陳大紀妻林氏二十四歲孀居事翁姑至孝男德佳

黃氏江友蘭妻二十歲適江二十六夫歿柏舟矢志

擇男承嗣現年五十有五

翁鸞使適陳朝保二十三歲而夫歿矢志撫孤邑侯

給扁旌獎子又尋卒遺下一孫氏復與媳林氏孀

守姑媳相依至老足不踰閭

魏整使林漢永妻年十九適林二十六歲夫卒欲自

經戚族勸以撫孤重於死烈遂忍泣孀守撫一孤成

立復早歿氏仍撫孫二人成立事姑稱孝謹今年六

十有一

張全官鄭觀光妻年二十適鄭二十八歲夫卒氏矢

志孝奉翁姑擇嗣訓誨歷今五十三歲無慚婦德

卓氏邑廩生張中書妻二十歲適張夫卒時年二十

六歲事舅姑至孝訓子金華成立爲邑庠生今年五

十二歲庶幾名節無忝

蔣氏監生何世俊妻歲貢生蔣爾烈之女年二十四

歲育男逢達甫八月夫卒氏矢志栢舟事舅姑至孝  
訓子成立爲邑諸生卒年五十一歲

陳節使柯正鑑妻年十七于歸二十九夫歿矢志孀  
守耕織撫養二男俱成立婚娶卒年六十九歲

高宗姐張則定妻年二十配張二十八夫卒無業可  
依躬自耕織儉勤撫二子成立苦守六十餘年今年  
八十八

柯寶使星明輔妻十八歲于歸二十六夫卒貧無依  
靠歸父家紡織儉勤撫三子俱婚娶成立年六十五  
黃順使吳茂岳妻年二十配吳二十八夫卒撫二子

業可依艱辛紡績孀守俱婚娶成立今年六十一  
任翰使林孟玖妻二十歲適林二十四夫卒以遺業  
儉勤撫二子成立孀守幾四十年今年六十

侯氏陳孔竒妻二十四歲夫歿貧無立錐勤女紅蔬  
粥撫幼子卽求一女配爲婦共養成立一生清苦卒  
年六十五歲

鄔守使朱仕偉妻年二十一適朱二十八歲夫卒守  
節撫孤成立縣三來獎扁苦節永貞督學周獎扁德  
媿柳歐今年六十九

劉康使魏古泉妻二十三歲夫故孀育一子而照娶

婦張孝使甫一歲而照死張氏與姑共守節家無餘  
 資緝織度活劉氏哭子喪明張氏事姑勤摯劉七十  
 八歲卒張氏生事死葬儻極婦道一門孝節雙全  
 張氏生員魏比拱妻一十九歲適魏二十一夫卒奉  
 姑致孝撫一幼男成立孀守四十年六十一卒  
 林蒲使邑庠生薛世隆妻貢生建寧府儒學之馥女  
 也二十四歲適薛二十八夫卒男三歲家貧紡織度  
 活氏通經籍親自撫訓至于成立今年五十九  
 柯成娘楊君鎮妻一十五歲夫病篤囑曰上有雙親  
 下有諸子責在爾躬夫歿奉舅姑罔懈課子兆行爲

邑庠生邑侯來珏旌曰範婉和九年七十五卒

陳暮娘楊大新妻年二十夫卒遺腹三月人勸其貧

難自守氏指井誓曰井枯吾志始移孀守奉舅姑曲

盡婦道撫子成立今年六十六

黃章使柳而正妻年十五適柳一十七歲夫卒家徒

四壁誓志撫孤日夜紡織併山園柴水躬自勤勞訓

男成立一生操守不倦年五十三卒

張欽官陳而長妻年二十七而夫死一男一女尚在

襁褓矢志孀守父憐其苦欲喚歸養氏不忍老姑孤

苦至姑卒後始歸養於父三載父卒兄生員渤弟生



員淮淵任生員紹雄撥租二千勛永爲養膳之資勤勞紡績撫子成立年六十三卒

范鳳使黃邦清妻年十八適黃兩載夫故膝下無孤矢節孀守取叔男爲夫嗣撫之如已子現年五十五盧氏適汪惟岐十八于歸二十而夫歿堂上有舅姑奉養無缺無子擇立猶兒冰霜矢節享年六十有五柳機使陳絢木妻年二十一而夫卒子天定甫週歲矢志孀守事姑盡孝撫子讀書爲邑諸生尋又早逝氏復與媳張氏撫育一孫以繼宗祧 享年八十六吳氏王能益妻十九于歸二十七歲夫卒僅育一子

撫養備至及于娶婦又早歿氏復撫幼孫成立初終一節年六十八卒

卓氏薛聚奎妻二十四歲適薛二十六而寡栢舟自矢孝奉翁姑擇嗣撫養享年六十有一

陳氏生員何連超妻二十七歲夫卒氏苦節自守上奉翁姑下撫一子至於成立享年七十

鄭節使陳元祚妻年十七適陳二十九歲夫卒撫孤孀守藩司沈給扁旌獎子士琬復早天氏暨媳葉氏撫孫成立迄今年逾七旬

張莊官柯文榕妻年十七適柯八閱月而夫卒氏爲

宗祧許擇嗣昂霄撫養成立爲邑諸生現年五十歲  
鄭藻使庠生柯文儀妻二十九歲夫病侍湯藥衣不  
解帶夫卒哀毀骨立遺孤璵撫養教誨爲邑諸生現  
年六十一  
徐清使林上英妻二十一歲夫卒擇嗣男煇撫養成  
立現年六十歲  
林玉纘黃士拔未婚妻甫定婚而士拔卒林聞訃卽  
告母氏曰婦人從一而終兒願登門守節擇日乘素  
車歸黃門拜太翁姑及翁姑成禮後杜門孀守備盡  
婦道里黨咸矜其節

王勸使邑庠生吳錡妻本鄉王孝子元柱姪學哲女  
年二十三歲夫卒翁姑老遺孤一與夫弟妻楊氏同  
矢栢舟事翁姑竭誠紡織佐子讀書邑侯喪樹榮旌  
曰霜冰雙節子九知邑廩生孫之屏隸郡庠舉優  
楊基使業儒吳璣妻楊文炳女年二十歲夫歿育一  
女未有男卽以夫兄妻王氏次子九德爲嗣撫之如  
已出妯娌貞守相與孝事舅姑奠祭盡禮天弟幼持  
家務脩樞艱卒縣王來珏額曰松筠合操

仙釋

漢徐登飯牛山中聞樂音縹緲出林中往尋之至則見二人奕登拱立頃遺棋子一叱令歸卽精解手談碎瓦畫地自試之人不能解每從遊巖上輒與二人遇遂得修煉術僊人趙炳自天姥山來訪登喜與炳共飯草廬中會冬月草木凋零登曰來無以爲樂試微術以供一笑可乎乃以餘瀝噴林間頃刻花開令名其地爲花林庄登後僊去埋棋子田中遂湧土成墩植牛杖其傍旋生技葉有耕者掘其墩致風雨之變人不敢犯登兄弟姊妹七八同時上昇今僊臺尙

存宋崇寧三年封淨惠真人卽其地建祠祀之

趙炳字公阿東陽人與徐登同遊於高蓋山及白巖二人引流爲酌剝松皮爲脯食之醉臥良久炳起謂登曰吾當先去子亦速來登曰鳳立烟霄過桃香碧澗逢言畢不見先是龍峰白巖有炳祠高蓋山立登像而未及炳宋建炎間始作炳像居登右並祀之

宋張聖者二十一都盤谷農家子也以採薪鬻鋤柄爲業時人名爲張鋤柄狀貌醜陋口能容拳一日入山遇僊人對奕授以桃苦不可食張心知其僊冀有所遇忍苦噉咽且及半舌若螫不可忍遂棄其餘而

歸因忽忽若狂絕粒食草木實能言人未來事素不  
諳書忽作大字或以足指夾筆口占頌偈立成如宿  
構傳聞四方士大夫多往赴之因度爲僧人號爲張  
聖者爲邑中募緣造高蓋橋富人相與揮金成曰聖  
者作大功德不可無頌聖者笑云石橋半出通判石  
橋全出狀元及蕭公大魁乃生於橋全之日橋半時  
實生通判吳公後住安國寺有少婦隨衆往謁聖者  
求其履不得已與之卽裂其底乃以佛經爲襯帑也  
其神異多類此聖者自遇異人後絕烟火五十餘年  
始化去廟祀方壺巖祈禱甚應

某者狀貌古怪衣服藍縷屢歷間來方廣巖謁處  
士黃非熊先是洪水流一巨樟浮於石壁溪久而不  
去鄉人欲雕爲佛像道者自言精於雕刻乃刻爲窳  
頭盧尊者相旣成不受值而去不知所之乃供養於  
巖中佛閣

齊僧慧炬侍者智著皆浙東人也建元二年來游高  
蓋山至徐真君上昇壇得二石室樂馬遂於邑內坐  
禪時邑宰齋僧固請慧炬下山炬不赴侍者往赴齋  
席炬在石室中端坐而化四山鴉鳥圍繞悲鳴智著  
聞之亦趨歸石室中端坐化去崇寧二年勅賜慧炬

慈利大師智若惠應大師

唐僧崇演居能仁寺有猴為崇演夜誦梵語大悲呪畢有伏謝曰久苦沉淪今賴法力得生天矣演說偈曰久受沉淪苦如今得上天有心原是佛慧日照無邊崇遂絕

宋僧無爽初參禪於雪峰峰見而器之授以正法謂之曰汝從東南去逢冲即入逢滌即止無爽隨緣行至永邑之冲峰遂至下滌曰吾師所記其在是乎遂求一席地創建伽藍即能仁寺也住山三十年跏趺歸寂塔藏鳳凰山

僧無緩姓楊名安道候官人也宋元符中應緣來住能仁寺始至為眾說善惡因果聽者雲集一日謂眾曰吾教所說當嚴殿宇遂建大殿創方丈闢僧寮以居海眾及將示寂更衣書偈曰伸脚自由縮脚自在伸縮無拘去住無碍長吁一聲跏趺而化度門徒一百九十二人

三元神師俗姓何名讓福清人也生于宋咸淳三年初生時即呼曰阿廣何在母大驚欲棄之即呱呱不復語兩月後有宜興大覺院僧智廣造門自言其師曰志寧已示寂兩月前見夢轉世于此故來相視父

抱兒出見視廣而笑廣泣然禮拜遂不歸居于方廣巖德祐二年智廣復往視讓讓年方十歲堅求出家父母不得已從之因從智廣入山削髮性識聰敏晝夜誦華嚴經不絕人呼之曰何華嚴後數年元兵入閩僧徒逋亡智廣亦先逝師獨居巖中課誦如故胡孫饋果以充餽糧無何羣賊入巖擬刃師師趺坐不動賊乃已逼師下山至天台亭忽有異獸若戲猫咆哮後追賊各奔逸師復還巖自是常有一虎守護天關明洪武十四年師年百十歲旦日召其弟子咸集嘆曰吾學不精進情障未斷終當再來人間矣自起

擊磬三聲卓立而化流涕道者衣服縷裂涕流霑胸宣德間來方廣巖衆問道者何許人曰世間人問何名曰無名故以流涕呼之作務勞苦日夜不休每食必大衆之餘乃敢入口會僧德涵卒其徒圓照倚闌而嘆道者曰上座豈欲見涵師乎曰然乃令閉日共坐頃之同行路極幽暗約十里許見宮殿巍峩適殿主視事道者內謁良久乃出遂有甲卒導至犴獄羣僧無數皆荷鉗鉢道者大呼德涵中有一僧出應氣息纔屬謂吾輩以貧故求食沙門只圖溫飽不修梵行故禁餓鬼獄中累歲不得一黍飢餒難堪其他冒

用沙門財物無不鑽鑿炮烙備極慘酷每受刑畢業  
風一吹又復本形日凡數次限滿發爲畜生以償夙  
債照日照嘗爲師誦經禮懺豈無效乎涵曰誦經禮  
懺必得高僧心口相應乃有功德彼口誦行違之僧  
身自不免安能度人語未竟甲卒促歸道者引從故  
道而返至巖猶趺坐蒲團乃夢初覺圓照急起鳴鐘  
播告大衆道者遂去不知所之

真潮歙縣人俗姓吳名克恕父游官浪跡不歸師十  
六歲出尋父遍跡天涯皆不遇乃依曉天禪師于嘉  
興之東禪寺落髮受戒明年又之伏牛山煉魔自此

晝夜立禪爲首座又遍遊天下名山叢林叅訪尊宿  
後入閩栖連江普照庵又至長樂之坪岐洋興龍泉  
寺後游方廣巖見其壇場毀廢募化重建躬服勞瘁  
遂復舊觀始定居焉師持律精嚴累化鉅萬履穿衲  
破執作勞苦不以錙銖自奉少嘗立禪自入方廣以  
來夜間趺坐念佛脅不沾席嘗立規條示衆曰老僕  
年十九落髮出家徧歷海內名山叅訪耆宿然皆未  
嘗貪戀久住蓋緣已事未明不得不求師訪友今者  
年漸衰朽頗憚跋涉栖止既定法侶遂臻但真心來  
學佛法者甚少大都皆爲饑驅而來及老僕以佛法

相規又各失望而去又想老僕死後復來與住巖者爭田則猶稱曰我是鏡山弟子曾與和尚出力以爲異日張本老僕爲此開示規條于後凡來相依者自量能守戒律方許居住如其不能即便出門老僕死後不得復來與住巖者爭田也

一誦經者欲解其義依義修習以成佛其次雖不解義然顓精課念攝其妄心亦漸成佛若口誦而心外馳即使六時不絕聲至死何益

一僧道真實修行檀樾施以錢米使無衣食之憂故施者受者皆有功德今僧道不明此理乃謂人

家請僧誦經卽有功德是計較錢米始爲開卷只如戲子唱曲一般罪業愈增何功德之有本巖幸有諸檀樾捨施山田足供衣粥當六時功課依規禪誦若有人家延請者切不可計其錢米

一佛祖爲憫衆生罪業苦惱乃作懺文請仗高僧領已佛前禮拜自陳悔罪不敢復作冀赦前愆今人不識此義只將錢米催僧拜懺已却肆傲旁觀犯戒如故然則惡人有財者只消買一庸禿禮懺便可不入地獄此必無之理也今後凡有人請禮懺者先告此義必其人果能改過遷善乃可赴請



不然則已先有誑佛之罪矣安能爲人懺罪  
一出家者以在家則有世故人事妨其修行故出  
家以避之耳若出家依舊有世故人事則家何必  
出居此巖者當以修行爲事凡道俗有吉凶不必  
慶弔至不論道俗貴賤貧富有布施無布施到巖  
皆以如常粥飯相留或有施主責我薄待則任其  
怒罵慈悲領受或至於不堪則持鉢棄巖而去出  
家人斷不可胸中有炎涼也

一本巖數畝山田煮飯不足則粥粥不足則托鉢  
行乞風雨不能下山則蕨芽野菜皆可充饑寧卽

餓死終不可借債賣田銷滅施主功德且銷賣巖  
田不過快活數年以數年之快活換無窮地獄之  
苦楚悔之晚矣師後示寂於方廣巖

國朝盧公三十三都人爲僧於閻然亭修道六載辟  
穀不食康熙四年九月告鄉人以死期架柴火化鄉  
人祀于亭中至今祈禱甚靈驅蝗最應呼爲盧祖師  
昔朱文公會遊於此贈聯云閻潭水湧天心月轉山  
石捲嶺頭雲

僧無際居名山院好飲踈財見貧人脫衣予之康熙  
七年告徒衆欲遠遊訪道旣而曰卽在此地何必出

外遂不食拜佛三日書招素所知友來會架柴塔山門外作偈火化遂坐塔中手自舉火燒及胸猶念阿彌陀佛而化寺僧拾其骨塑像祀于禪堂邑人鄔泓弓為之傳

僧一拙淡坑張氏子落髮於瑞應寺既而遊方建寧住持歸宗巖得南詢禪師正傳開堂說法建人奉為法幢

遷寓

明鄔識江西臨川縣人洪武舉人官四川榮縣令歷金華同知以事謫戍閩之延平永樂二年奉例種屯

識揭其妻杜氏子三人屯於永福之麟陽遂世居焉李于蕃字德晉號白山侯官人遷居邑中家貧力學領崇貞癸酉鄉薦仕至國子監學錄詩文有大家風草書似陳白沙著有白山集

吳伯瑛徽州人崇貞壬午舉人官興化教授順治戊子逃寓永邑湯洋而歿妻程氏無子亦自經死遺囑屋主黃少洲云氏家有女名如玉嫁婿汪壽昌

林懋勉字伯奮號儀存一名勉郡人林子野之從弟也前舉人授福建道御史見時不可為遂不仕遷居本縣埔垵詩文奇古不肯由人著有儀存堂詩集

何金蘭明初指揮使江西撫州府臨川縣人永樂二  
年頂軍來永邑二十一都蒼霞地方今子孫世居焉  
張亞山明武進士指揮使浙江平陽人頂軍來永邑  
二十一都盤谷居焉

鄭清才閩縣加魯里藤山人授千總永樂二年頂軍  
來永福二十一都盤谷居焉經今四百餘載

論曰人物之志所以表揚善行嗣徽千古也刻則傷  
于忠厚濫則流于溢美豈足信今而傳後哉顧褒嘉  
雖有取于長而是非實難昧于公第使撫卷者不得  
指其名以相詬病則無戾于傳信矣

何金蘭明初指揮使江西撫州府臨川縣人永樂二年  
年項軍來永邑二十一都蒼霞地方今子孫世居焉  
張亞山明武進士指揮使浙江平陽人項軍來永邑  
二十一都盤谷居焉

鄭清才閩縣加魯里藤山人授千總永樂二年項軍  
來永福二十一都盤谷居焉經今四百餘載

論曰人物之志所以表揚善行嗣徽千古也刻則傷  
于忠厚濫則流于溢美豈足信今而傳後哉顧褒嘉  
雖有取于長而是非實難昧于公第使撫卷者不得  
藉其名以相詬病則無戾于傳信矣

